

**AGENCIJA ZA REVIZIJU PRIVATIZACIJE U
FEDERACIJI BOSNE I HERCEGOVINI**

Na osnovu člana 20. Statuta Agencije za reviziju privatizacije u Federaciji Bosne i Hercegovine („Službene novine Federacije BiH“, br. 76/14 i 91/14), Odluke o raspisivanju konkursa/oglasa u Agencije za reviziju privatizacije u Federaciji Bosne i Hercegovini broj: 01-34-2-347/17 od 12.10.2017. godine i člana 16. Pravilnika o unutrašnjoj organizaciji Agencije za reviziju privatizacije u Federaciji Bosne i Hercegovine br.: 01-02-40/2014 od 19.06.2014. godine i 01-02-40-1/2014 od 29.10.2014. godine, direktor Agencije za reviziju privatizacije u Federaciji Bosne i Hercegovine, objavljuje

KONKURS/OGLAS

ZA PRIJEM RADNIKA U RADNI ODNOS U AGENCIJI ZA REVIZIJU PRIVATIZACIJE U FEDERACIJI BOSNE I HERCEGOVINE

- 01. Revizor za reviziju privatizacije banaka u Sektoru za reviziju privatizacije banaka - 1 (jedan) izvršilac**
02. Pomoćnik revizora za reviziju privatizacije privrednih društava u Sektoru za reviziju privrednih društava - 1 (jedan) izvršilac

Sektor za reviziju privatizacije banaka

- 01. Revizor za reviziju privatizacije banaka (1 izvršilac)**

Opis poslova: učestvuje u izradi strateških dokumenata za provođenje revizije privatizacije banaka; predlaže operativne planove za obavljanje revizija banaka u skladu sa usvojenim planom revizije privatizacije banaka; ukoliko nastupe okolnosti zbog kojih se mora mijenjati usvojeni plan revizije privatizacije, o istom obavještava rukovodioca sektora; razmatra sa rukovodiocem sektora najsloženija pitanja iz revizije privatizacije banaka i konsultuje se vezano za uočeni problem tokom provođenja revizije privatizacije banaka; utvrđuje knjigovodstvenu vrijednost državnog kapitala prema početnom bilansu stanja banaka; promjene nastale na kapitalu kao i druge materijalno značajne promjene na imovini i obavezama od dana utvrđivanja početnog bilansa stanja do dana privatizacije i od dana privatizacije do dana završetka revizije; vrijednost i način raspolaganja imovinom iz pasivnog podbilansa banaka i drugih subjekata; ispunjavanje ugovornih obaveza od kupca definiranih ugovorom o prodaji državnog kapitala; da li su od dana pokretanja do okončanja procesa privatizacije aktivnosti nadležnih nosilaca procesa privatizacije i kupca bile u skladu sa važećim propisima; provodi sve faze revizije privatizacije radi utvrđivanja zakonitosti u procesu privatizacije državnog kapitala; obavlja i druge poslove po posebnom nalogu direktora Agencije za reviziju privatizacije u Federaciji Bosne i Hercegovine i neposredno pretpostavljenog zaposlenika.

Posebni uvjeti: VSS - VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa Bolonjskog sistema studiranja - pravni fakultet;

- najmanje četiri godine radnog iskustva na poslovima privrednog prava.
- položen pravosudni ispit

Sektor za reviziju privrednih društava

- 02. Pomoćnik revizora za reviziju privatizacije privrednih društava (1 izvršilac)**

Opis poslova: obavlja reviziju privatizacije privrednih društava u skladu sa Zakonom o reviziji privatizacije državnog kapitala u privrednim društvima. Obavlja poslove i radne zadatke po nalogu vode revizijskog tima (revizora) i za svoj rad odgovoran je rukovodiocu Sektora za reviziju privrednih društava. Odgovara za kvalitet revizije privatizacije; utvrđuje knjigovodstvenu vrijednost državnog kapitala prema početnom bilansu stanja privrednih društava; promjene nastale na kapitalu kao i druge materijalno značajne promjene na imovini i obavezama od dana utvrđivanja početnog bilansa stanja do dana privatizacije i od dana privatizacije do dana završetka revizije; vrijednost i način raspolaganja imovinom iz pasivnog podbilansa od privrednog društva i drugih subjekata; ispunjavanje ugovornih obaveza od kupca definiranih ugovorom o prodaji državnog kapitala; da li su od dana pokretanja do okončanja procesa privatizacije aktivnosti nadležnih nosilaca procesa privatizacije i kupca bile u skladu sa važećim propisima; sastavlja nacrt izvještaja o obavljenoj reviziji privatizacije privrednih društava nakon konsultacija sa neposrednim pretpostavljenim rukovodiocem o glavnim nalazima, dostavlja ga rukovodiocu sektora; te obavlja i druge poslove po posebnom nalogu direktora Agencije za reviziju privatizacije u Federaciji Bosne i Hercegovine i neposredno pretpostavljenog zaposlenika.

Posebni uvjeti: VSS - VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa Bolonjskog sistema studiranja - ekonomski fakultet;

- najmanje tri godine iskustva na poslovima finansijske revizije;
- sertifikat ovlaštenog revizora.

OPĆI UVJETI:

Kandidat mora ispunjavati slijedeće opće uvjete za zasnivanje radnog odnosa:

- da je državljanin Bosne i Hercegovine,
- da je stariji od 18 godina,
- da nije pod optužbom Međunarodnog suda za ratne zločine član (IX. stav 1. Ustava Bosne i Hercegovine),
- da nije pokrenut krivični postupak za krivično djelo za koje je predviđena kazna zatvora tri i više godina,
- da je zdravstveno sposoban za obavljanje poslova radnog mjesta na koje se prijavljuje

KANDIDAT KOJI SE PRIJAVLJUJE NA KONKURS/OGLAS POTREBNO JE DA PRILOŽI SLIJEDEĆE DOKUMENTE (ORIGINAL ILI OVJERENA KOPIJA):

ZA ISPUNJENJE OPĆIH UVJETA:

- prijava sa biografijom (u prijavi obavezno navesti: broj pozicije za koju se kandidat prijavljuje, adresu i kontakt telefon);
- uvjerenje o državljanstvu (ne starije od šest mjeseci);
- izvod iz matične knjige rođenih;
- ovjerena izjava da kandidat nije obuhvaćen odredbom člana IX. stav 1. Ustava Bosne i Hercegovine (ne starija od 3 mjeseca).

NAPOMENA:

Uvjerenje o zdravstvenoj sposobnosti - lječarsko uvjerenje i Uvjerenje da se protiv kandidata ne vodi krivičan postupak za krivično djelo za koje je predviđena kazna zatvora tri i više godina su dužni dostaviti izabrani kandidati nakon okončane konkursne procedure, a prije zasnivanja radnog odnosa.

ZA ISPUNJENJE POSEBNIH UVJETA:

- fakultetska diploma (uvjerenje o diplomiranju se neće uzimati u obzir);
- potvrda (uvjerenje) o traženom radnom iskustvu;
- uvjerenje o položenom pravosudnom ispitu (za poziciju 01.);
- sertifikat ovlaštenog revizora (za poziciju 02.)

Komisija za prijem zaposlenika u Agenciji za reviziju privatizacije u Federaciji Bosne i Hercegovine će na temelju podnesenih prijava na Konkurs/Oglas sačiniti Listu kandidata koji ispunjavaju opće i posebne uvjete.

Svi kandidati sa Liste kandidata koji ispunjavaju opće i posebne uvjete će biti pozvani na intervju.

O vremenu i mjestu održavanja intervjua kandidati će biti obaviješteni pisanim putem.

Kandidati koji ne ispunjavaju opće i posebne uvjete biti će obaviješteni pisanim putem.

OSTALE VAŽNE NAPOMENE:

Radni odnos se zasniva na neodređeno vrijeme, uz obavezan probni rad u trajanju od 3 mjeseca.

Konkurs/Oglas će biti objavljen u dnevnim novinama „Dnevni avaz“ i „Dnevni list“.

Konkurs/Oglas ostaje otvoren 15 dana od dana posljednje objave u dnevnim novinama.

Prijave na Konkurs/Oglas sa potrebnom dokumentacijom se dostavljaju, na adresu:

**Agencija za reviziju privatizacije u Federaciji Bosne i Hercegovine, ul.Ustanička br.11, 71210 Ilidža
sa naznakom:**

„Prijava na Konkurs/Oglas za prijem zaposlenika u Agenciji za reviziju privatizacije u Federaciji Bosne i Hercegovine – ne otvara“.

Na koverti je potrebno naznačiti broj pozicije za koju se kandidat prijavljuje.

Nepotpune, neuredne i neblagovremene prijave se neće uzeti u razmatranje.